



**R. P. Valerii Reginaldi Bvrgvndi Seqvani E Societ: Iesv,
Praxis Fori Poenitentialis**

Ad Directionem Confessarii, In Vsv Sacri sui muneris ...

Regnault, Valère <1543-1623>

Mogvntiæ, 1617

Cap. 15. De vndecima specie Irregularitatis ex hæresi, & duodecima ex infamia,

[urn:nbn:de:hbz:466:1-78477](#)

gnificatur in cap. *Solicitud.*, distin^ct. 52. & in cap. viiiic. *Ide* Clerico per saltum ordinato, dum dicitur esse cum eo videntum misericordia, seu dispensandum ab Episcopo. Quae readuerter ex Nauar. in sequenti num. 242 cum tali; postquam ante dispensationem solemniter, & serio exercuit, siue superiorem Ordinem ad quem per saltum ascendit, siue inferiorum quem praeversis, solum Papam dispensare posse. Antequam autem exercuerit, posse Episcopum dispensare cum ipso ad susceptionem Ordinis omisit; & ad exercitium & illius sic & alterius male suscepit, siue quem scienter, siue ignoranter suscepit: ac etiam ad susceptionem Ordinis superioris, si inferiorum suscepit ignoranter, id est, putans se iam esse ordinatum alio, quem omisit, cum nondum esset. Eadem ex aliis (quos in margine citat) habet Henriquez in *preced.* §. 3. Videri quoque potest Suarez tomo 5 disput. 42. a num. 5.

Sexta propositio est: Irregulariarem fieri Clericum exercendo Ordinem quem nondum habet, ex cap. i. De clericis non ordinato ministr. Intelligentia est autem ex Nauar. in citato num. 242, cum duplice moderatione. Altera est, ut exercuerit non ioco, sed serio, tanquam initiatus ipso Ordine: prout v. suuinit ei, qui canit Epistolam cum manu; aut qui fingenit Sacerdotem, baptizat cum solemnitate consueta, aut confessiones audiat. Videndum est Henriquez in *eod. cap. 6. n. 1.* Altera est, ut exercuerit solemniter, id est, cum apparatu, codemq; modo quo solet, Ordinis susceptione ad tale exercitium consecratus.

Adverte vero, quia executio minorum Ordinum permisita est non ordinato, perinde ac ordinato, ex D. Thoma in 4. distin^ct. 24. quest. 2. art. 2. in fine: non ordinatum irregularitate minime ob illam incurre ex D. Anton. 3. par. tit. 28. in principio. Et ratio est, quod talis non peccet, excusante ipsum Ecclesiae consuetudine: cui non oblistit consecratio personae ad eos actus exercendos, sicut nec consecratio loci ad Missa celebrationem, non impedit, quominus Superioris permissione eadem celebratio in loco non consecrato peragi possit.

Iam quod D. Anton. loco citato statuit non modo clericum, sed etiam laicum, si cum solemnis apparatu exerceat atque alieuius Ordinis quo caret, in irregularitatem incurrit exercitio (quod etiam Nauar. loco cit. sentit) etiam si virtutibus probari potest: contrarium tamen, quod est mitius teneri potest; sicut tenet Angelus, in verbo *Irregularitas*, 1. n. 38. & R. Osella, *Irregularitas* 2. in principio, & Couar. ad Clem. Sifuriosus, 1. par. §. 1. num. 1. Henriquez in *cit. cap. 6. §. 1.* Namque memoratum cap. i. De clericis non ordinato ministrante, prout inscriptio indicat, expresse loquitur de clero. Neque est, quod quis dicat ob identitatem, ut vocant, rationis, extendit ad laicos: quoniam licet ea identitas sit ex parte gratuitatis criminis: non tam ex parte pronitatis hominum ad illud. Qui enim de facto aspirant ad superiores Ordines, iam initiati minoribus, magis solent propensi esse ad illos exercendos, quam ceteri, qui ne prima quidem tonsura sunt initiati.

Addit obiter ex Vgolini *De censuris*, 1. b. 1. cap. 14. §. 1. n. 13. Eum, qui clericus non est, si censura irretitus faciat diuinam, non incurrit irregularitatem, qua imponitur per cap. Si quis Episcopus in Concilio, 11. quest. 3. & per cap. i. & cap. Is cui, De sentent. excommunic. in 6. Nam ea imponitur diuinata factio ex officio, quod laicus conuenire non potest, vt pote talis officij omnino expertibus.

In hac autem specie irregularitatis, solum Papam dispensare, excepto quod Episcopus possit ad exercendum Ordinem suscepit, habet ex Panorm. ad cap. 1. De clericis non ordinato ministr. Nauar. in Enchir. cap. 27. num. 243.

Plures irregularitates ad antedictas à Matolo adiunguntur, quae incurrint per indignam Ordinis administrationem: sed quia non nituntur sufficien^t testamento, vt videre est apud Suarezum tomo quinto, disput. 42. sect. 5. in iis memorandis non immorabimur.

C A P V I T XV.

De undecima species irregularitatis ex heret. & duodecima, ex infamia.

S U M M A R I V M.

- 193 Quod heretici, & eorundem credentes, receptatores, defensores & fautores sint irregularis.
- 194 Duplex genus infamia, & ex quo incurritur irregularitas.
- 195 Tres species infamia, ex qua incurritur irregularitas.
- 196 Quando preter Papam Episcopus in talis irregularitate dispenseret.
- 197 Irregularitas que contrahitur ex ignorantia alicuius artis professione.
- 198 Tres conditiones, quibus moderanda est talis pena.
- 199 Quid sit sentiendum de aleatoribus.

193.

HÆRETICOS irregularares esse confirmant D. Anton. 3. par. tit. 28. in:rio sexti capiti, per cap. Ventum est, 1. quest. 1. Angelus irregularitas, 1. num. 28. & cum eo Sylvest. eodem verbo, quest. 5. per cap. Saluberrimum, eadem causa, quest. 7. Nauar. demum, ut ceteros omittam, in Enchir. cap. 27. num. 205. per cap. Si quis omnem, ead. quest. 7. & per cap. 2. De hæreticis in 6. §. Hæretic. In quo nihil quidem expresto dicitur de Ordinibus, sed tacite iij latis indicantur per beneficium Eccl. sacerdotium, & officium publicum (intellige seculare, velut iudicaturæ, notariatus, & similius: prout glossa ibidem interpretatur) quandoquidem ad reddendum aliquem in republ. Christiana non indignum beneficio Ecclesiastico, vel officio seculari, non est opus tam multis, quam ad reddendum non indignum officio Ordinis: quod est longe dignius, quodq; beneficium Ecclesiasticum respicit tanquam illud cuius exercendi causa instituitur atque confertur. Videndum est Suarez disput. 43. sect. 1.

Ex eodemque ibidem addendum, talem irregularitatem habere locum in hæretico per accidens occulto, seu qui sicutum externum dederit sua hæresis, sed ita latens, vt non sit, qui aduersus eum in iudicio testari possit. Id quod non obstat quin irregularitas incurritur, patet ex eo quod de eiusdem ratione sit, vt sicut imponitur, ita & incurrit ijspo iure, nec opus sit sententia hominis. Quamquam tamen in contrarium habet Henriquez lib. 14. cap. 4. §. 6. occultum hæreticum, aut apostamat non prolati esse irregulararem. Cui fauet illud cap. Ad abolendam, §. 2. De hæret. Quicumque manifeste fuerit in hæresi deprehensus, & citatum cap. Saluberrimum: quod agit de abiuratione solemnis qua in scriptis fit: atque in memorato §. Hæretici, aperte supponitur notitia criminis, sine qua nequit impleri quod præscriptum. Quia possunt esse fundamentum sufficiens ad moralem probabilitatem.

Porro idem quod de hæreticis per memoratum paragrum hæretici statuendum est (prout bene declarat Suarez in sequenti sc. 2. num. 5.) De eorundem creditibus, receptoribus, defensoribus, & fautoribus, & de filiis ipsorum usque ad secundum gradum, id est, ad filios & nepotes, ut glossa interpretatur, in paternaline: & usque ad primum in materna. Intellige si ipsorum parentes ex hac vita tales, hæreticos inquam, aut hæreticorum credentes, receptatores, defensores, aut fautores, decepsisse comprobentur, iuxta cap. Statutum, eod. rit. & libro.

In hac irregularitate, sicut & in aliis, quæ ex defectu animi proueniunt, solum Papa dispensat, ex Nauar. in cit. num. 205. Qod verum esse quantumcumque hæresis sit occulta existimat Suarez in citata sect. 1. sub finem, cognoventer sua sententia paulo ante proposita. Ex quo in sequenti sect. 3. aduerte: de apostolata fide, idem quod de hæretico esse majori ratione sentiendum. Atque ad dubium; An si quis exterius tantum, metu aut alia passione adductus, retinensque interius fidem, incurrit in talen irregularitatem, esse affirmatiue respondendum per cap. Presbyteros, distin^ct. 50. ubi dicitur eos, qui ex timore immolarunt idolis, aut alio si-

mili signo negauerunt fidem, non posse ad sacerdotium ministriū accedere.

Cæterum qui putant schismaticos periude irregulares esse, ac hereticos, per cap. 1. De schismaticis, & cap. Qui contra, 24. quæst. 1. non videntur audiendi: quia cum in illo priori capitulo, solum fit sermo de ordinato a schismatico: & in hoc posteriore, tantum imponatur poena ciuilis perturbanti pacem Ecclesie, nullo sufficienti fundamento nisi videntur. Quia de re plenius Suarez in cit. fect. 2. §. Quarto extenditur. Plenius quoque in sequenti 3. explicans quod prædictum est, hanc irregularitatem incurre; non tantum patres, sed etiam filios.

Quod attinet ad irregularitatem ex infamia notandum est duplex esse genus infamia: unum quod ex vita merito, amoreque in Christum exoritur apud impios: cuius meminit D. Paulus cum in posteriori ad Corinth. cap. 6. ait: Oportere ut exhibeamus nos Dei ministros per gloriam & ignorantiam, per infamiam, & bonam famam. Ex hocque non indignus, sed maxime dignus efficitur quis sacris Ordinibus, ut indicat illud Actorum quinto: Ibant Apostoli gaudentes a conspectu consilij, quoniam digni habuit sint pro nomine Iesu contumeliam pati.] Alterum genus est, quod ex turpitudine exsurgit apud graues & honestos viros, & hoc inducit irregularitatem, per cap. Infames, 6. quæst. 1. & regulam 8. iuriis in sexto, Infamibus portæ non pateant dignitatum.

Eiusque, ex Panorm. ad cap. Testimonium, Detestib. nu. 6. tres sunt species. Prima est infamia facta quæ incurrit quoties apud bonos, & graues viros infamatur quis ex aliquo facto: iuxta glossam ad cap. Infames, 3. q. 7. verbo Infamia: & notavit Angelus verbo Infamia, num. 2. & Sylvest. eodem verbo, quæst. 1. quorum ille bene monet dicta paucorum, vel leuium hominem non facere talem infamiam, quamdiu apud bonos, & graues non fuerit opinio laesa.

Secunda infamia est iuriis ciuilis: quæ, vt iidem authores docent, & patet ex proxime citato cap. Infames, §. Porro) incurrit aut per Iudicis ordinarij sententiam, quæ quis de crimen damnatur: aut ipso facto in casibus, in quibus iure cauetur, quod ea incurrit ipso facto. Hos autem esse, Angelus & Sylvest. & que in eodem verbo, q. 5. referunt. Primus, cum Imperator militi auctoritate insignia, vel mittit aliquem in exilium. Secundus, cum quis exercet improbum scensum, exigens viuras vsurparum.

Tertius, cum quis deprehenditur in adulterio. Quartus, cum quis contrahit simul cum duabus, vel simul habet duas sponsas. Quintus, cum quis lenocinium exercuit, vel filias, aut neptes prostruit. Sextus, cum quis locauit operas suas, vt pugnaret cum fera.

Tertia infamia est canonica: quæ, vt iidem quoque autores habent, causatur ex quocumque peccato mortali, iuxta prius citatum, cap. Infames, 6. quæst. 1. (ex quo glossa ad verbum, Fures, id ipsum inferit) amplectiturque eam, quæ est iuriis ciuilis: quia omnes qui sunt infames secundum leges ciuiles, sunt etiam secundum canones, ex cap. Omnes vero, 6. quæst. 1. Et ita ex secunda, perinde atque ex tercia infamie specie irregularitas contrahatur. Contrahit quoq; ex prima specie, Angelus & Sylvest. in verbo, Infamia, num. 3. & hic num. 6. probant, per cap. Tantis Daniel distinet. 81. & cap. Omnipotens Deus, De accusationibus. Sed adiuvante requiri in ea re vel sententiam Iudicis declaratoriam, seu quæ quis condemnetur de illo crimen propter quod in iure ciuilis, vel canonico notatur infamia; vel evidentiā facti, quia ipsum nulla tergiuersatione ccelari possit, aut saltem notiorum sit maiori parti vicinia, vel collegi, aut loci in quo ille degit. Et enim nemo perdit ius famæ nisi per sententiam Iudicis, aut per propriam confessionem in iudicio, aut per evidentiā facti.

Cæterum ex Nauarr. in Enchir. cap. 27. num. 204. in tali irregularitate solus Papa dispensat: nisi quod Episcopus dispensando super delicto ad quod ipsius facultas dispensandi se extendit, consequenter tollat infamiam ex tali delicto provenientem per glossam, ad cap. Domino, distinet. 50. verbo, Atque ignominiam, & ad cap. Euphemium, verbo, Infamiam, 2. quæst. 3. Idque est quod Sylvest. sibi vult verbo Infamia, quæst. 1. inquiens Episcopum indirectere tantum dispensare super in-

famia in casibus sibi à iure permisum: ut cum quis condemnatus est de adulterio (super quo & alii crimini bus minoribus Episcopum posse dispensare, habetur ex cap. At si. De iudicis, §. De adulterio: vbi glossa ad verbum, Dispensare, id late explicat) efficitur infamis: atque Episcopus cum eo dispensans super tali crimen, consequenter indirectere (non autem principaliter, & directe) dispensat in infamia proveniente ex illo. Addit. Nauarrus quandoque per penitentiam iustam, & emendationem vite, irregularitatem ex infamia tolli: tunc scilicet, cum tollitur ipsa infamia: quia omnis res per quascumque causas componitur, per easdem disolvitur.

Porro ut infamiam, sic quæ illi proxime accedit ignominiosam aliquid artis professionem, omnemque personæ vilitatem inducere irregularitatem, monet Maiolus lib. 3. De irregularitatibus, cap. 1. iuxta glossam ad cap. Nihil, De electione, verbo, Suspendatur, & argumento cap. De seruorum, & cap. Admittantur, distinet. 54. In quorum priore sub finem habetur, quod iuxta sacros Canones vilis persona mariens, sacerdotij dignitate fungi non potest. Cui facile est quod dicatur in cap. Inter dilectos, De excessibus Praelatorum, §. Nos igitur, in fine: personis vilibus, & indignis portas dignitatis patere non debere, iuxta legitimas functiones.

In quatuor personarum numero conguenter cap. Pro dilectione, De conser. distinet. 2. idem Maiolus numerat. Primo, hisfrionem; mimum, ioculatorem, cytharenum, saltatorem, gladiatorem, stadij cursum, & consimiles, qui mercedis gratia ludibriū faciunt. Quod quidem iuxta Syll. in verbo, Infamia, quæ st. 5. extendendum est ad eum, qui semel tantum eiusmodi artem aliquam exercuerit. Secundo, numerat illum, qui vilis ignominiosam dicit vxorem: nempe repudiatam & eieciam, meretricem, aut ancillam suam, aut publicis specululis mancipatam. De qua re habetur expressus textus in cap. Si quis viduam 2. distinet. 34. Et ratio attingitur in cap. Si quis viduam 1. eadem distinet. quod maritus uxoris vitium, id est, ut ibidem glossa finali interpretatur, defecatum contrahat, ex illius vilitate, & ignominia vilis, ignominiosusque efficiatur. Tertio, numerat carnificem, seu macellarium, & tabernarium, quem virtutumque pro virili persona haberet secundum sanctiones Ecclesiasticas, patet ex Clem. 1. De vita & honest. Clericorum. Itemque emundator in cloacarum, expurgatorem pellium & similes exercentes officia, quæ vilia sunt, & horrorem adferunt, prout tangit glossa a leandem Clementinam, verbo, Macellarium.

Verumtamen ex eodem Maiolo, illud suum monitum temperandum est, tribus conditionib. Prima est ut tantummodo habeat locum in iis quæ talia officia exercuerunt: non autem in ipsorum prole, quæ illa non exercuerit: quoniam ignobilis parentum proli, si ipsa est laudabilis, nihil obest quoad Ordines: in quibus pescatori Petro, fabri filio, non Augusto succeditur, ut haber glossa ad cap. Quoniam vetus, 24. quæst. 1. verbo, Ignida. Secunda est: ut non habeat locum in eo, qui ad edocandam superbiam talia officia exercuerit, cum inde aptior, magisque idoneus efficiatur ad gerendam animarum curam. Sic Alexander Carbonarius, cum carbonariam exerceret vir doctissimus, oppletus illis fordibus, quas eaars inducere solet, electus est in Episcopum, ut D. Gregor. Nyssenus scripti in vita Gregorij Thaumaturgi. Tertia, ut non habeat locum in mechanicis, qui nihil faciunt turpe, seu quod horrorem incutiat, ut futores, fartoress, fabrili lignarij, vel ferrarij, & huiusmodi alij, ut argumento est, quod D. Paulus fuerit tutor tabernaculorum, ex cap. 18. A. etorum.

Postremo numerat aleatores, quos Ecclesia ita auersatur, ut eos tanquam viles, & indignos ab omni Ecclesiastico beneficio obtinendo excludat, per cap. Inter dilectos, De excessibus Praelatorum: ex quo glossa ad cap. Clerici officia,

De vita, & honestate Clericorum, verbo, Ad ales, probatum, qui publice aleator est, à promotione repellit, seu irregulariter esse.